

docs for 古雅堂城  
入駐商標 古雅堂城  
在文川網搜 古雅堂城 获取更多电子书

中國方志叢書·華中地方·第三二七號

據

清光緒二十年崇纂修  
清光緒二十年崇纂修

影印

湖北省

# 利川縣志

(一)

433/06  
成文出版社有限公司印行



\*10096942\*

中國方志叢書·華中地方·第三二七號

據

清光緒二十年刊本  
清黃世崇纂修

影印

湖北省

# 利川縣志

(一)

sk33/ob

成文出版社有限公司印行



\*10096943\*

中華民國六十五年 月壹一版

# 利川縣志

全二冊

發行人：黃 成 助

出版者：成文出版社有限公司

台北市郵政信箱二二六〇五號  
台北市羅斯福路三段二四〇巷五號

印刷者：成文出版社有限公司

內政部登記證內版台業字第一一四七號

docsriver 文川网  
入驻商家 古籍书城

在文川网搜索古籍书城 获取更多电子书



# 利川縣志序

古者王朝侯國皆有史秦廢封建改侯國爲郡縣自是惟王朝有史而郡縣之史無聞近代方志繁興其書視史加詳而州縣志實爲府志省志一統志之權輿州縣志詳則諸志有所取材而牧令亦藉以考知其境內文獻方輿以爲出治之本施郡領六縣惟恩施爲附郭縣其縣志統於府志其餘宣恩來鳳咸豐利川建始舊皆有志光緒甲申冬予奉

命來守是郡檄取諸縣志率多因陋就簡之作則以同治初元兵燹之後倉卒編輯故其書皆不逮府志遠甚比甲午春

利川黃大令以所輯縣志請序考據視舊志爲詳而疆域山水用力尤勤予守施久有志重修府志竊以諸縣志多所闕略爲恨諸君子如能各成一志庶幾府志有所取材而後之有司不至茫於掌故亦舊政必告之意也予喜是書之成而更有望於諸君子因書以爲序

光緒二十年春三月知施南府事長白薩克達額勒恆額譔



序

光緒十有七年世崇奉調入闈襄校鄉試事竣來宰利川明年乃有編輯縣志之舉漢川鄒靜軒茂才元繼請曰竊見利邑地廣政繁君事必躬親勞矣茲又握鉛槧徵文獻冀成一邑掌故母乃太勞乎故事州縣志牧令主修類有一才擅三長者秉筆襄纂利僻壤難其選君欲一手編輯竊恐成書良難越兩年書成乃以語靜軒曰世崇幼讀史記漢書慕司馬子長班孟堅其人妄冀得所假手試一爲之比長躡躑諸生間末由廁身史館自念所居汨羅山水古蹟甚著乃編汨羅



志十有四卷同治六年同里郭筠仙侍郎編輯涪陰圖志世崇與焉明年有湖南通志之役時則有王夔石中丞以爲主修曾忠襄郭筠仙侍郎李次青方伯郭意城京卿李篁仙觀察吳南屏舍人羅研生學博以爲纂修而世崇又與焉旣而筮仕來鄂承乏五邑於興山編興山志二十有二卷於黃陂漢川編黃陂山水志漢川山水志各二卷於鍾祥將次編輯鍾祥志而代者至竊念世崇所居所仕一皆有志志之而是書十有四卷曠日持久卒能一如興山志之樂觀厥成不至若黃陂漢川之略鍾祥之闕不可謂非厚幸也靜軒曰誠哉

始願不及此蓋以書諸簡端則應之曰諾雖然世崇學識有  
限茲志未爲完書他日良有司重加編輯庶幾匡子不及則  
更幸矣光緒二十年春二月湘陰黃世崇



利川縣志序



光緒壬辰冬十月琦由天津兵備道調任湖北荆宜施道既抵任求得荊州宜昌施南三府志讀之次年遍徵各州縣輿圖志書利川縣黃君世崇書來索序并寄所撰利川縣志沿革表及凡例十則考利川縣置於我

朝雍正十三年其縣境奄有前明忠路忠孝施南建南沙溪五土司上下支羅及施州衛都亭里地後周亭州資田郡鹽水縣隋庸州清江郡鹽水縣均舊治也疆域之廣縱橫將五百里袤長逾五百四十餘里數倍於古諸侯大國爲川楚中

權要樞其圖志誠非可以尋常爲之者黃君之言曰利川縣  
西小山爲清江水源所出縣治以西稱爲都亭里可證縣西  
小山卽古都亭山唐章懷太子注施州清江縣水一名鹽水  
源出清江都亭山是也又據縣志西有亭州故城遺址在舊  
衛城西一百八十里當卽亭州舊治都亭山在衛城西則明  
一統志謂廢亭州在衛城東者誤也明土司列傳忠路土司  
舊治前曰前江源出佛寶山西南流與後江合逕四川彭水  
縣涪州入岷江則明史地理志以前江後江屬施南之水誤  
也湖北通志雍正十三年裁建南長官司其地入於利川縣

則施州方輿書土司十八遺建南土司者誤也方輿攬勝亭  
州以都亭山得名縣西小山既爲古都亭山則後周所置亭  
州當在利川縣境亭州治資田郡則鹽水當爲資田附郭則  
施南府志以恩施爲後周鹽水縣地誤也雍正六年裁施州  
衛以忠孝土司地入恩施縣後又以施南忠路沙溪建南四  
土司地并以前撥入恩施縣之忠孝土司地及都亭里上下  
支羅所南坪官渡壩麤石設利川縣官渡壩等非施南土司  
所有則府志以爲施南土司者誤也施南土司初治夾壁後治  
龍孔與恩施接壤並在縣東則府志以爲施南土司屬宣恩

縣者又誤也據古證今辯正六誤蓋極考據之密矣然尤未  
見全書也既而黃君刊成縣志一十四卷郵寄來署並將同  
治乙丑前利川縣何君蕙馨監修舊志十卷同時送閱何志  
於疊域沿革如辯府志夾壁與忠路相接所云前後江河皆  
在忠路水實由郁山鎮出等語頗能自申其說不至傳訛惟  
不及黃志精博黃志爲表五卷志七卷傳二卷共十四卷其  
山水二志窮源竟委脈絡分明蓋桑經酈注之流亞矣夫施  
州爲荆宜之上游而利川實通西川之邊隘遠不過二百里  
近不及一百里至土壩壩馬道屯一帶竟孤懸奉節境中與

縣境絕不聯屬縣北之上下支羅中壩大坪元里松木擂鼓  
諸屯縣西之見天壩等處與川境犬牙相錯爲萬縣奉節雲  
陽鄧都石碛諸邑往來之要道天下有事守在川黔利川一  
縣西南西北東北諸境皆爲陸路入川之咽喉讀黃志置域  
表圖說端委秩然任天下事者必不敢以利川山縣而不深  
思遠慮預防隱患於將來者矣琦奉

天子命調巡荆土有所見不敢不言言之不敢不盡巡道一  
官並無兵柄祇期與賢有司廣行惠政承宣

聖人德化相與固結民心綿萬年有道之基而山中小民不



至為外人誘惑焉爾是則琦序黃君利川縣志之微意也至  
 所撰志深明史法當與康熙間泉上李氏所撰福建汀州甯  
 化縣志並傳而非文儒所可幾也光緒二十年甲午冬十二  
 月錢塘周懋琦撰於荊州之德福壽安甯署齋



docsriver 文川网  
入驻商家 古籍书城

在文川网搜索古籍书城 获取更多电子书

利川縣志

凡例

一縣境奄有明代施南忠路忠孝建南沙溪五土司上下支羅及施州衛之都亭里地後周亭州資田郡鹽水縣隋唐州清江郡鹽水縣實治此唐五代竝隸清江縣宋元爲都亭鄉援古證今確有依據舊志沿革疏略特甚茲編較爲詳審

一縣境縱二百四十里橫二百四十五里袤長五百四十五里疆域之廣數倍於古侯國又爲楚蜀通衢所在類多險

隘古昔用兵倚爲咽喉舊志不詳疆域茲特表而出之附以輿圖

一輿圖全憑採訪地多未曾親歷不敢信爲全無舛誤惟一手所成屢經訂正庶幾不至大謬

一縣境分四汛八十三保中汛曰中一保中二保東一保至東八保南一保至南八保西一保至西八保北一保至北四保南坪汛自一保至十五保建南汛自一保至十保忠路汛自一保至二十八保圖中止書東一東二坪一坪二建一建二忠一忠二字樣以便省覽至中一中二兩保即

城廂地圖中未及分注

一縣境置州郡縣始於後周故職官亦始於後周其武職官則始於明舊志職官專錄 國朝於義未安茲編特爲補輯

一施郡選舉以宋詹鴻博邈稱首衛志稱邈爲都亭里人利川爲宋都亭鄉卽明都亭里邈墓在縣西楊家溝卽邈之故里邈實爲利川人故列邈選舉表首其餘非有依據未敢濫錄

一人物列女必蓋棺始能論定惟耆壽壽婦見年八十已上

節婦貞女孝女見年五十已上例得入志其餘生存者概不採錄

一舊志孝子割股割肝愈親疾者八人孝婦割股愈姑疾者一人仍列入人物表列女表其餘採訪所及而未經報縣驗明者概不入志雖已經報縣驗明而其人尙存者亦止獎給扁額仍不入志以昭慎重

一賦役學校祠祭武備營繕諸志分類一遵會典其中物產以及善堂書院業產私祀沿祀各類仍依方志體例故紀述頗涉瑣碎

一山之脈絡水之源流舊志苦未分明茲編仿水經注例務期首尾聯屬中間頗附異聞不免龍門好奇之誚

一藝文一遵史例專錄著述其業已成書而原書由採訪送閱者雖其人尙存其書未及刊行一體入志

一藝文金石類務期可備掌故其文不雅馴者但存事實不錄全文

一列傳較舊志爲詳要皆有所依據其事蹟已分注人物表列女表者不入列傳以免重見

一茲編由世宗一手輯成案牘躬親暇日無幾而事竣暑始

得成書山僻聞見謫陋道遠攜書不多攷據未精實滋慙汗

東南山圖山書影版



利川縣志

編輯

同知銜利川縣知縣黃世崇

參訂

利川縣訓導汪國椿

黃陂縣舉人柳焱春

漢川縣增生鄒元繼

採訪

刑部浙江清吏司主事夏昌言

竹溪縣訓導拔貢

生潘元義

恩

貢

生向紹猷

周秀蘭

歲

貢

生吳定陞

附

貢

生彭選仁

甘雨和

廩

生李廷禎

黃朝金

何秉禮

東南在廟一

增

附

生向遠先

段治邦

溫國華

生鄧雲章

鄒清廉

劉夢璋

丁西銘

盛炳南

胡泰階

周龍章

謝鵬翔

黃文彬

牟彝輝

張鵬飛

李會芳

黃錫之

劉燮堂

牟玉堂

羅俊彥

吳東瀛

吳廷梅

袁汝明

袁文林

張茂才

鄧必興

余炳厚

賀際彬

夏雲廷

劉黎

幸際颺

羅秋雲

黃庭芳

覃登瀛

楊生春

李紹棠

陳起鵬

docsriver 文川网  
入驻商家 古籍书城

在文川网搜索古籍书城 获取更多电子书

武

吳瑞章

歐陽和

生 建藩

牟桂芳

牟紹寅

監

生 吳小雲

陳經筵

朱槐堂

蕭紹斌



黃文學

譚德光

黃永禧

劉玉成

張輝廷

李代槐

鄭惠卿

江啓治

翁鴻遠